



UNIVERSITÄTS-
BIBLIOTHEK
PADERBORN

Claudii Fleurii Abbatis Historia Ecclesiastica

Ab anno Christi 1702. usque ad annum 1708

Fleury, Claude

August. Vind. [u.a.], 1781

VD18 13322648

§. 47. Leopoldi Josephi Lotharingæ Ducis edictum contra Ecclesiasticos.

[urn:nbn:de:hbz:466:1-67633](https://nbn-resolving.org/urn:nbn:de:hbz:466:1-67633)

„dem præsentibus, si exhibitæ forent, Sæc. XVII.
„vel ostensæ.,, A. C. 1704.

§. XLVII.

Leopoldi Josephi Lotharingæ Ducis edictum contra Ecclesiasticos.

Haud levis hoc anno erat contentio summi Pontificis cum Leopoldo Josepho Lotharingæ Duce, qui anno hujus sæculi primo Codicem seu statuta & decreta Nancæi edidit, quibus etiam Ecclesiasticos comprehendi, iis obstringi, eorumque causas profanis Tribunalibus subjici voluit: Fremebant in omnibus Lotharingæ & Barri urbibus & pagis Episcopi, Clerici & Monachi, plena erant omnia gravissimis querelis; quin Ducis, ejusque Ministrorum animus flecti posset: Igitur Præfules, cum summum Pontificem longe acerrimum læsæ immunitatis vindicem esse nossent, ejus opem implorarunt. Nec eorum precibus deerat Clemens, qui Ducem rogare, monere, imo & minari non destitit; incassum tamen omnia, quocirca anno hujus sæculi tertio die vigesima secunda Septembris Ludovici Codicem seu Constitutiones damnavit, easque observari, legi, vel retineri inhibuit, suumque Apostolicum decretum mox executioni dari præ-

*Bull. magno
Clem. XI.
Const. 17.
Epistol.
Ejusd. pag.
161. & seqq.*

Sæc. XVII. præcepit: Quarto post die ad ipsum
 A. C. 1704 Ducem literas dedit, quibus eidem
 significabat, quod *hasce Constitutiones*
ejus nomine editas, utpote quæ non modicam
bonis omnibus offensionem parere, ma-
ximamque tum rebus, tum Personis Deo
dicatis, non uno ex capite injuriam asserere
possent, maturo prius examine præmissa,
reprobare, earumque lectionem, retentionem
Et usum omnibus Christi fidelibus inter-
dicere compulsus fuerit: Dein Ducem rursus
monebat, ut hasce leges, quas inconsulto
(ut credidit,) Et aliorum potius
suggestione incitatus, ac subreptione de-
ceptus promulgari permisit, quamprimum
reformari, atque in iis, quæ Ecclesiæ ju-
ribus adversantur omnino aboleri juberet,
hacque in re Majorum suorum exempla se-
queretur. Eadem quoque die Pontifex
datis literis omnes Archiepiscopos at-
que Episcopos de harum Constitutionum
proscriptione Pontificia certiores
reddidit, eosque excitavit, ut pro domo
Dei unacum adlaborantes, Religiosi Prin-
cipis animum urgeant, ut Ecclesiastica jura
salva esse velit, nec illis detrimenti quic-
quam per suas leges irrogari patiatur.
Ostendite, suggerebat eis Pontifex, quam
turpe sit, Catholicum Principem, ac præ-
cipue Lotharingicæ Domus tanta pietate in-
signis, totque etiam Ecclesiæ beneficiis aucto-
re primo sui regiminis limine sacrosanctis
 Mini-

Ministorum Dei Privilegia impetere, libertatemque violare, ac veluti Principatus initia ab Ecclesiae injuria auspicari. Proferre sanctas veterum Patrum Regulas, quae immunem a Laicorum potestate Ecclesiam, ac Venerabilem Clerum ubique clamant, nihilque ad saeculi Principes in Ecclesiasticis negotiis, praeter reverentiam pertinere. Edicite non imminutis, sed auctis potius Clericorum in sortem Domini vocatorum Privilegiis, florere Regna, Deoque protegente, firmari, Sacerdotumque potissimum precibus felicitati publicae consuli: Denunciate, si opus fuerit, parata in adversantes Ecclesiasticae libertati flagella superni Judicis, imminentemque potentibus, qui potenter tormenta patientur, sempiternam perniciem, si in Ecclesiam peccaverint, eumque conquerentem minime audierint, Denum si quis terminos, quos inter utramque potestatem posuerunt Patres nostri, transilire praesumpserint, opponitite Vos, tanquam murum pro Domo Israel, & Sacerdotali pectore obsistite, ne quid sub regimine vestro derelicta Vobis a Majoribus Ecclesiae libertate, & dignitate minuatur.

Cum autem Pontifici innotuisset, quod in hoc Ducatu plures, ac praecipue Judices & Ministri damnatas hasce Constitutiones non modo penes se retinerent, sed etiam insuperhabita excommunicationis abs ulla alia de-

Sæc. XVII
A. C. 1704.
claratione incurrendæ poena tam in
judicio, quam extra illud iis uti præ-
sumpserint, imo etiam ex Confessariis
nonnulli refractarios ad Sacramento-
rum participationem admiserint, hinc
Pontifex die decima Maij ad omnes
Lotharingæ & Barri Præsules literas
dedit, quibus injunxit, ut Ducis sub-
ditos, ejusque Ministros ad debitam
obedientiam Apostolicæ suæ Constitu-
tioni præstandam compellant, & ejus-
modi Confessarios a sacro Ecclesiæ cla-
vium Ministerio arceant, aliisque poe-
nis juxta Canonicas sanctiones in
eos animadvertant.

§. XLVIII.

*Appellatio a Pontificis Constitutione
a Lotharingio interposita & a
Clem. XI. reprobata.*

*Bull. magn.
Const. Clem.
XI. p. 26.* Verum summus Pontifex iniquissimo
tulit animo, quod Lotharingæ
Dux Pontificis precibus, Præsulum
solicitationibus & querelis adeo non
cederet, ut insuper ejus quoque
Ministri & Jureconsulti harum legum
æquitatem calamo & ore defenderent,
& supremus Lotharingæ Procurator
adversus Pontificiæ Constitutionis exe-
cutionem a Papa male edocto ad me-
lius edocendum provocarit; *semper
enim*